

近代中國史料叢刊續編第七輯
沈雲龍主編

讀書改過齋叢錄

陳

鶴撰

文海出版社有限公司印行

讀書改過齋叢錄不分卷

清陳鶴撰 清嘉慶間著者手稿本 楷書

此稿爲著者日記。始於乾隆四十五年正月，止於嘉慶十五年十二月，按年逐月記載。舉凡陳氏所撰詩文、信札、讀書心得及日常瑣務，無所不包，又追記少小時事於卷首。全編楷書工整，秀美有力。前有清李紱序，後有鄭士超題辭，沈辰吉、劉榮桂、陳應元、王鴻、孔憲彝、吳雲等觀款。鈐有王殷泉朱文「王氏二十八宿研齋秘笈之印」。

著者字稽亭，籍蘇州，乾隆五十七年舉於鄉，嘉慶元年成進士，授工部主事，服官京師十餘年。晚年館於江寧藩署，兼主講尊經書院，詩文皆有法度，均按年月錄入。於並時師友同寅遭遇之盛，往還之迹，尤言之瑣瑣，足爲考訂乾嘉間人物掌故之助。

序

昔予與溪堂先生同登庠序訂知交三十年學問淵深性情醇厚粹然儒者也先生世居蘇之大姚村代有令德教子孫讀書敦本先生屢躋場屋恬然安命令嗣嵇亭壬子捷於鄉丙辰成進士官虞部今春相見於京師笑言舉動宛如溪堂古人所云如逢故友良不虛也以溪堂先生之學問人品而不過於時所謂不於其身必於其子孫矣因索嵇亭著作而讀之其於經史也考訂詳明折衷盡善雜著又復縱橫變化出入歐蘇之門而詩古發抒性靈不失溫柔敦厚之旨名之曰叢編非務多也蓋觀其聚也夫著作之事固難言矣苟非家學淵源醞釀深厚鮮有能博大而昌明者嵇亭之學有根柢皆溪堂先生之教也予既不獲見老友而見嵇亭得以朝夕話舊談詩論文亦予之幸也夫

嘉慶己未仲冬同學世弟李蔡拜序

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



讀書改過齋叢錄

余始館杏花春雨樓日記瑣務以自考覈後又補記少小時事及所為詩古文積久遂多嘉慶二年秋攜家北上由邗溝達潞河舟行頗暇復補綴所嘗塗竄處成一編焉稽亭記

乾隆二十二年丁丑九月十七日卯時余生於盍簪坊祖居之墨妙齋

本生先祖取明林脩撰大欽之名命之今名鶴初生善病得嗽疾至屢瀕於危期年始愈暨乎能言本生府君口授杜詩數章枕上喃喃成誦

乾隆三十年乙酉余九歲從本生府君讀書於虹橋陸氏行素堂

始受四子書燈下課唐詩余尤喜讀史架有于穀山所節鳳洲綱鑑暇即披閱

八月二十三日本生祖卒十二月某日暨本生祖母合葬於硯山祖塋褚學士廷璋撰墓志銘

遺訓曰孝友為立身之大端廉介為立品之大節吾承先人之志不敢不勉而今而後汝曹勗諸

乾隆三十二年丁亥余年十一

先府君卒於是年十二月七日

乾隆三十三年戊子余年廿二八月二十三日本生母卒

先慈事舅孝故本生祖頗鍾愛鶴嘗曰此孝婦之子庶大吾門

乾隆三十四年己丑余年十有三九月出為先府君後元日祖卒

余是時讀書行素堂易書禮春秋左氏傳以次卒業復粗記史漢唐宋大家之文及明人制義二百餘首遂執筆為文矣迨出嗣之議定而家難隨作假館受業竟多寒暴既而歸依所生思欲復理舊學患難如故由此蹉跎此半生恨事無從追補所以百不如人非盡關鈍拙也

乾隆三十五年庚寅余年十四從徐爾毅先生受詩於北街蔣氏借綠堂乾隆三十六年辛卯余年十五讀書於唐思誠母舅山居之自求堂

賦得菊殘猶有傲霜枝 幾處園林半夕陽固窮留得一枝黃乍疑瞥見神偏淡每訝重逢氣倍揚寂々秋容遲老圃稜々晚節鬪嚴霜綠知陶令歸來日采向東籬興未忘

是歲又有哭世父敬菴府君及裕昆母舅二詩今不錄世父每家居輒聚子弟使錯舉經義互相質難或做孔門言志余願為志節士世父大笑世父著述甚富余間請受一編世父顧而歎曰子弟當如此矣

乾隆三十八年癸己余年十七讀書墨妙齋始應吳邑童子試 廩保范

馨谷先生履歷書本生三代名諱考名士俊

五月初八日縣試

題則以學文至雖曰未學經題闕五月鳴蜩得鳴字五言六韻

六月一日府試長兄貢南陸嵩士同寓花街巷張氏

題邦君為兩君之好經題闕高樹早涼歸得涼字

九月廿二日學院試從兄耀寰聲昭鈕奉我同赴崑寓青雲城倪家

題母命之君視之父作之六二之動賦得平仲君卷得粘

字五言韻

余嘗聞先輩多以通場卷獲雋者效顰為之或以違例惜我然固不成
文未得遽為屈也是歲始於城東月聲菴會課

乾隆三十七年甲午余年十有八讀書盡簪坊墨妙齋有雜文一首

冒雨遊虎邱序甲午之秋九月上澣陳子偕其兄秀巖蘭坡將尋登

高之約選勝於虎邱微風夜起細雨朝零清興勃發不復可遏相與載

策笠攜筆硯欣然就道由白公堤過青山綠水橋攀柔枝扶石磴履千

人之坐訪回仙之逕已登千頃雲之巔矣耳內松濤竹韻蕭疎欲絕劍

池鐵華巖之水波又相與贈答徘徊之際輒有所思昔駱賓王冒雨尋

菊偶為其事而後人以為美談選。古今豈遠無義烏之高情將奚求
不章耶抑人品不足以傳而事亦泯沒耶况茲山名勝甲於吾郡而綺
羅簫管頗復為玷此之勝遊其又可忘耶俄而白雲滿塢夕照凌波飛
鳥歸巢孤舟返棹亦天然秋山晚霽圖也道遙至夜樂幾忘歸因各為
詩以紀其事而余為之序云

十二月廿六日應長邑試 考名雲鳳 廉保李葵陽先輩 同沈表文

曉如寓鈕家巷張氏

題 有斐君子兮 君子學以聚之 二句 膏澤多豐年 得徽字

乾隆四十年年^未於十九日府試始從學文於族父漁莊先生正月府試

題 紅紫 雲行雨施 二句 山春雪作花 得花字

三月初七日院試 同蔣表文瞻蓼貢耀聲三兄赴崑寓通和橋唐家

題 有餘師 鳴鶴在陰 二句 仁者壽 得童字

時家難甫完補苴日急又三喪未舉前祖妣權厝未塋余日夜焦灼本

生府君見其羸瘠以書戒曰勿憂患以傷生勿飢渴以害心勿憧擾以

隳業勿馳騫以弋名 是歲讀書丁香巷半舫月聲菴及城東大智寺

仁壽堂會課始交於臻百潘坤維陶心傳程郁倫諸君

讀書日劄序 嘗遊神於虞夏商周之上夢想夫東西南朔之遠放之
則治平卷之則格致登高山而望遠對孤影以自傷中夜起歎愴然涕
下者久矣士不置身於前古後今間作自樹立計茫一天壤何以生為
古者男子生彙弧蓬天六以射天地四方示有事也十五入大學致其
功也四十而仕徵其驗也夫秀靈之氣莫不稟之素位之行莫不願之
而為問三代而上孔子之門墻傳者幾人泯沒凡幾秦漢以降不朽者
何人所不朽者何事其他為世所遺而卓卓自見者又幾何人而湮滅
不見者何可勝道嗟乎人生如寄荏苒須臾即身敗名沒悲夫悲夫余
生以來十有九年矣家故貧無藏書從事舉業不足以開拓心胸又不
能自奮飛以遨遊於世遭家難學殖荒落者屢矣賢達之教頗多遺駘
忘駘駘之質知當無稱以沒世耳然用是懼東隅易逝桑榆恨晚爰立
此冊凡誦讀之際少有所得輒自札記聊以備遺忘資問辨庶幾沒齒
不終為天壤間棄物耳先儒有言勿迂儒勿腐儒經術以經世余雖下
愚頗志於此然言之不作為之也難過此以往未之知也雖然使余淪
落韋布終無所表見於世則草木同腐此書猶當賫吾志以不沒也夫

乾隆四十一年三月某日同蔣俊伯寓太平街張氏應長邑科試 考名

鐸 廩保張南陔前輩

題 子路問成人 言行君子之樞機 詩題闕

覆試題 禮也 至禮也 賦得春城日出人皆醉 不拘體

六月廿九日府覆試補正考 在糧廳署內考 宿心傳宅

題 民無能名焉 謙尊而光 賦得一葉報新秋 得秋字 五言六韻

先是余以負氣不復作文因而不與府試 臻百極力勸駕為余經營補

考事宜勉取一名為院試地雖不獲售厚意不忍沒也

九月十七日同臻百坤維赴崑余獨寓裡城河顧氏廿一日院試

題 人少 其旨遠其辭文 賦得鳳雛得清字 褚明諧心傳同歸

是歲月聲卷會課

雜詩三首 昂 = 千里駒辱於奴隸 手矯 = 雲中鳳駢死雞鷺後嗟人

生世間倏若風過 痛侯生老監門毛薛藏於酒 不遇信陵君鄙薄掛人

口千歲萬歲後安知某與某 經義足千古 雕蟲可漫言 達意故所貴

論學重淵源 吁咈堯舜朝 諮詢孔孟門 作者甚寥廓 所著豈浪存 恨不

起韓歐一與相談論 大節苟不虧 細行或出入 何如堅賢心 跬步不

容失忠孝 在一生平素所植 立豈有歲寒時 修行始汲 = 人道有其端

治生固所急環二市井求母乃不慎術所當勤與敏慎勿安與逸少壯
不再來思之增戰慄

對月憶臻百兼呈長兄 明月影纖二照我碧紗窓可知枕流客同此
翫清光臻百所居曰枕流書塾抗懷映讀者昂我母相忘

五人墓 義憤一朝激姓名已百年幾人虛黨籍之子竟流傳墓掩殘
生骨情深當代賢英風知尚在雲護斷碑前

劍池 應知霸業死還休埋劍空煩地下謀所恨三千埋未盡屬鏤又
作沼吳憂

幽獨君 半掩荆榛半白雲虎邱山北有孤墳吁嗟生世多淪落那問
當年幽獨君

是時坤維臻百無日不聚無聚不爲文或數行或數語頗有視全篇較
勝者惜不自收拾無從追憶片語矣此樂既不可常二君又皆下世何
必冷風黃葉始足愁人也耶

是歲秋日夢在長庠明倫堂試平定小金川賦中一聯云半夜襲蔡不
煩常侍良圖八日禽公差勝岳侯神算大爲主者所賞贈以書扇上有
絕句云崇霞臺上神仙客術辨癡龍藝最多盛德好將銀筆述麗辭堪

付雪兒歌

乾隆四十有二年丁酉余年二十一

十月五日合葬祖考前祖妣於硯山祖塋考附葬未嫁先姑北域之側賴懿戚欣助始克歲事焉

先祖考墓記 先祖考姓陳氏諱燦張字良友號忍伯世居蘇之長洲雍正中分長洲地置元和縣故先祖考爲元和人積學砥行言笑不苟於先世祠墓保護尤盡力由增廣生援例貢太學生於康熙五十七年九月二十八日卒於乾隆三十四年九月九日享年五十有二父太學諱樹璜府君母秦孺人配沈孺人張孺人子一卽先府君吳庠生庠諱廣勤先卒女二長亦先卒次適庠生胡璜先祖考始有子及先祖考卒而無子乃孫再從兄子元庠生名曾懋之次子鶴

沈孺人

欽旌孝子永吉公女及笄歸先祖考生於康熙五十年五月八日卒於乾隆三年十一月十日享年二十有三乾隆四十年二月十日丁酉嗣孫鶴謹奉靈匱合葬於吳縣十四都十三畝硯山鞠養宇圩祖塋之次先考府君附焉別有記初先祖考病甚急於立孫甫立孫三日先祖考卒

有起而構譽者風雨飄搖矣鶴之本生父不忍則堅辭而祖母堅不許然亦未得寧處六年難始稍二定而家有七喪沈孺人權厝祖塋未安寔岁鶴奔走衣食朝夕不暇給倉卒襄事故不克求大人先生志銘仰惟先祖考潛德未曜尚冀立言君子表墓道以不朽感慕山邱嗚呼痛哉孫男鶴記愚再姪於福書諱

先府君墓記 府君姓陳氏諱廣勤字立勲吳庠生父增貢生諱燦張府君母沈孺人府君為張孺人出生於乾隆八年七月二日卒於乾隆三十二年十二月七日享年二十有五聘某氏未娶嗣子鶴於府君為同高祖兄之子府君資性開敏長於肆應為學尤刻苦講習往往徹夜張孺人育心痛疾府君籲天祈代府君歿而張孺人之患竟愈以故族長老尤痛惜焉府君葬以乾隆四十二年十月丁酉墓在硯山鞠養字圩祖塋之次從增貢府君兆感慕山邱嗚呼痛哉男鶴記愚姪於福書諱

先姑母墓記 嗚呼此余長姑母之所葬也姑母為增貢府君長女性婉順勤於女工許字馬某未行而卒年二十有七按家礼成人無後者祭終其兄弟之子之子曲礼女子許嫁笄而字說者以為許嫁有成人

之道矣又余家產已盡廢所賴以供祭祀者向所授姑母之奩田則姑母之封兆尤宜慎保之也墓在硯山祖塋增貢府君墓之東少南數武
姪鶴記

十一月一日長兄聲兄同宿舍間二日應元邑試 自此始考名人鏡

廩保王康侯先生

題 樊遜從遊於舞雩之下一節 經題詩題並闕

十二月初三日盍簪坊宿初四日府試

題·寬 經題闕 賦得六出兆豐年 得豐字五言六韻

覆試題 十二月至 君子平其政 賦得清如玉壺冰 得清字六韻

是歲白塔子卷吳氏校經州廬會課有雜文五首今不錄已後不記

贈郁倫二首時程將有桐鄉之行 子長生龍門耕牧河山陽弱冠去

故土杖策走四方南遊涉江淮泛舟沿瀟湘北造燕趙間交遊多慨慷

丈夫故有志安能拔老故鄉如何讀書士藉口卷而藏所以見既不廣

何以能文章以此愧知己俯仰增傍徨 程子粹養士藹然其可親結

交近三載意氣彌復真今邇忽辭去逝將有遠行此行亦非久秋還去

當春贈君無別言加餐勵昏晨詩書具在茲簡編願時陳遊覽得奇氣

刮目慰良朋無為采蕭歎貽譏兒女情

大姚祭始祖墓文 於惟始祖肇我族譜孝感慈烏風追先古顯二二
世用光我家典型里閭嘯傲煙霞遐哉贈公泥塗軒冕顏氏能藏遠環
可卷四世繼述維義維仁維仁不伎物義不失身蓄之也厚寸累銖積發
之也長服疇食德如彼河水出於崑崙孰衍其流而忘其源霜露既降
予子孫心惕爰潔粢醴爰薦鷩高陳湖之濱大覺之傍儼乎有見子孫
之將尚饗

硯山祭山神文 山有廬神居之山有墓神護之山有松柏神使無翦
伐松柏既叢墓兆既宗旨酒嘉有敬報神功尚饗

乾隆四十三年戊戌余年二十二課徒益簪坊兄子德譽從余學

韓蘄王墓 青城草枯宋祚圯鐵騎長驅福未已將軍挺生安危擔手
扶江水限北南穹碑魏二蔽雲日大書韓王戰陣績遺言千載仰高風
自古為臣豈諱忠 王遺訓我名世忠子孫毋諱忠字

三月初四日院試 學臺諸城劉公名墉係第二任

題 猶水之就下 至鷗也 六二之動 二句 翡翠戲蘭苔得禽字

是考也余同瞻蓼丈長兄聲兄寓新邑前顧家長兄於是乎獲雉焉

四月二十九日本生府君卒遺命季弟雲孫依鶴於半舫

乾隆四十四年己亥余年二十三始館虹橋陸氏杏花春雨樓

九月初七日同王紹曾貢曾補吳邑歲考 認保王繩孫先生

題 何晏也 咸其輔頰舌 賦得獲之程程得成字

二十日府試 改認凌少穎先生

題 仲弓問仁 君子以自強不息 賦得垂虹秋色滿江南得虹字

十月某日同崧士赴崑寓東南門柏家考詩古

題 恭和

御製安期棗元韻 余考後復歸營本生府君葬事十五日同瞻蓼丈再

往仍至崧士寓十七日正考

題 三軍可奪帥也一節 經題同府試 賦得明霞高可餐得霞字

是役也余持本生府君服既竟會紹曾昆仲自徐州旋里繩孫先生屬

吳邑主簿楊君同送應試然竟不得售劉公賢者交臂而失之者至再

命之窮也豈不信哉

是歲春夏以文就正于於靜遠先生 號望亭 吳趨坊陸氏春暉堂會課

昭明選詩偶鈔序 鈔昭明文選詩共一卷夫詩所以言志之所不在

雖出之自己而可有可無同於未作苟志在此賦詩斷章猶將取所求
焉況先得我心彰三者乎諸詩哀怨之音或所未免然哀而不傷怨而
不怒未嘗乖於君子而其言志委婉披心腹而瀝肝膽矣揆諸後
世豈無同心故吾以爲言之在人猶在己也讀古人書而不能求吾志
是不信好古人也可以明吾志而不相引是自信自好之不篤也以其
哀怨而棄之固也故復書其所以錄此書之意如此卷中以太沖詠史
始以靖節先生詠貧士終又可以明吾志所在矣若夫言必已出而爭
勝於字句之間此衒世而驚名也者之所爲余未暇出此也
與友人前足下屬僕書金剛經數本僕重違足下意爲書一冊今足
下乃謂僕可共談禪理此大不然古人闢佛之書具在足下試取而讀
之當不待僕之贅說矣今士大夫鮮有能爲昌黎程朱之學者朝夕營
營大都皆謀利之心耳聞有一二曠達之士號爲賢者則又雜以異學
其實愈於言利之徒其間不能以寸也僕少承家學所聞者如此異日
儻有所成就方思著一書以明辨之不容以是相浼且僕之長齋與佛
氏絕相反足下乃援之而入於墨此不得不辨

勸之至意而鶴聞命惶恐父死之謂何又因以為名弥增悲悼矣本生曾祖有言孝庸行也古之人不忍假父母以市名先曾祖一生苦孝通國皆知名公鉅儒欲舉以應賢良方正之選而堅辭薦剡蹙然不自有其名況不肖如鶴者乎過情聲聞万死不敢當方命之愆幸加哀宥痛鶴兄弟三人皆失學潦倒本生府君在日每望鶴微幸一遇而鶴少壯無聞不能早遂捧檄微願至先府君易簀時以為淡憾此罪何可逭且先府君孝德懿行卓然有以自立而務修潛德不求人知今鶴等又無能顯揚自茲以往恐遂湮沒前日雖少述事略而掛一漏百略重表輕既已有美弗稱矣抑又言之無文恐行而不遠奉卽幽宮亦既有日而顧茲墓石闕焉無辭鶴舉措昏迷心煩意亂百端交集寢食無聊究何益哉伏讀宗譜溪樓公之沒莪齋公實為之狀以請王少參直夫之銘本生曾祖本生祖之葬皆請名卿掾筆銘其藏先府君仰承世德無忝所生喪祭從先祖茲事不敢少殺惟是以鶴等所撰狀陳諸立言君子之前恐其置之僭而無徵之列而不克得所請用敢仰祈伯父頤養之暇稍為詮次先府君行實俾得藉以求志銘於當代大人先生鶴銘心鏤瘡死且不朽矣荒迷哽咽語言無次統惟矜而亮之

二十日本生考前妣妣合莫硯山塋蔣侍郎元益撰墓志銘

明相臣優劣論代舉天下賢才之進退事理之措施而寄之二三臣之身則不第論二三臣之賢否而天下之安危所由係也有明二百七十年居相位者難更僕數而史館纂修又業有定論班班可考太祖定天下置左右二相徐達李善長皆開國勲而胡惟庸以謀逆誅於是罷丞相不設永樂中始命解縉等七人入內閣參預機務而三楊歷仁宣英三宗老成經國負天下重望幾三十年士奇通達國體榮謀而能斷溥也以靜鎮之明世相臣號稱推首李賢知無不言贊天順八年之善政其所薦引盡為名臣可稱良相彭時持正得大體與李賢共事而有不同之節古所謂大臣者非歟孝宗朝徐溥劉健李東陽謝遷歷有年所君臣之間有魚水之樂而四人者又皆一時賢士明良相合近古為隆楊廷和調劑武宗翼戴世宗功在社稷斯為重臣張居正勇於有為釐剔弊政幾至富彊有宰相之才劉一燝韓爌於主少國疑之際正色持重托孤寄命君子人也然嘗論之以三楊得君之盛為國元老能弭伐趙之兵而不能困一王振身沒未幾遂有土木之變儻所謂繫天下之安危者耶抑何不能保子孫黎民也夫為國以得人為本天下之大非

宰相一手足所能支而汲引人才之責獨歸之宰相苟能不植黨不營私薦賢為國權之所在委而去之不謂之公忠憂國者哉天順成化間如年富軒輓耿九疇王跡李秉程信姚夔之屬悉出李賢之薦引則達相業視三楊為更優惜乎奪情視事一肯幾掩大德耳至於欲正其君必先正其身精白居心表裏如一彭文憲劉文靖俱不可及而劉公始終孝宗十八年無赫之名無熒之勢則固文達之所未優為而明世內閣之所不數觀也明之始年未嘗專任內閣值文淵者不過備顧問而已大賢大奸悉無其權雖有萬安劉吉尹直之不肖亦止竊位固寵而嚴嵩誅鋤善類專擅二十餘年蕩然無復顧忌者何哉直以張桂作之俑爾夫人君之喜怒不可有所偏也世宗以議禮故盡斥廷臣而張璁桂萼得以乘其隙堅彊自遂報復私仇政府相傾軋日夕不寧尤而效之遂有嚴嵩之專恣張居正之敗斥異己沈一貫之陰險顧秉謙等之大興黨獄溫體仁之攻訐朝士揆輔之地嶮巖噪喧紛紛競逐明亡而後已誰生厲階可不為之太息哉朋黨之既自古有之至於宰相植黨則國事不可復為世徒知顧秉謙等依附魏閣之恥而不知萬曆四十八年分門別戶魏廣微馮銓之徒思一快意而假手於忠賢

世文徒知申時行開章奏留中之習以致宣崑齊楚浙諸宵小排擊東
林無所顧忌而不知張璠桂萼甘心私怨身為黨魁江陵斥吳趙抑言
路大決所犯漸積以至於斯極也它如王鏊毛紀之守正費宏之恭慎
梁儲之愷切葉向高之德量楊一清之功勲孫承宗賀逢聖范景文之
節烈並足稱賢其餘或用而不久或久而不專無益人國俱無足取夫
人各自愛其名而宰相不宜與人爭名人各自負其才而宰相不宜以
才凌人史稱劉文靖公正色率下光明俊偉而觀乎孝宗諸臣皆若勝
乎劉公者嗚呼此其所以獨優也歟

乾隆四十五年庚子余年廿有四館杏花春雨樓日記始此

都憲坊在查家橋西先中丞故宅也宅既售為官舍坊亦屢經有司修
葺焉 魏二綽楔對朝陽遙見先人都憲坊一代詔留新國典千秋史
記舊家鄉東西符合交輝映 謂徐都憲坊先後撰同重表揚謂吳邑吳
侯珍重花磚思祖德懷賢況有愛甘棠

止月十八日到館過日館凌念慈廿二日候范馨谷先生廿四日外兄弟
唐運開企曾來廿八日郁倫來不值廿九日過心傳值陶耀青三十日瞻
藜先生來是月始同瞻藜文貢文聲三兄為敏成約課竹村從父秉筆焉

二月一日郁倫來五日夾浦課租十日候漁莊族父於葑溪仙人好樓居
候胡氏姑母十二日候瞻蓼先生過臻百不值

相思盡日詠三秋鄙吝潛滋不自由愧我浮沈真僂蹇輸它迂濶盡臥
流人稱下玉藏非久日寫唐詩富可求別有素心千載約空煩兩地思
悠二

十五日長兄及蔡啓昆來十八日郁倫雨中來十一日同褚明諧遊西山
廿四日閻門道旁跪瞻

天顏

玉輅重瞻十五年春來雨露遍吳山

皇心本視民如子

詔許羣黎覲

帝顏 金閻西去萬人家扶叟攜童望

翠華唱徹迎

鑿新樂府山呼聲裏慶無涯

廿五日跪瞻

天顏廿六日解館廿七日至硯山塋廿九日過臻百不值三十日清明

半舫卽事 關來事二足相於半舫蕭然容膝廬四立欵傾蛛罨壁數
編撩亂蠹殘書香浮几席花纔放綠滿階庭草未除擬賦遂初償夙願
青山流水近何如

三月一日到館十日同念慈嵩士遊虎邱十四日硯山墓祭十六日歸自
華山十七日跪賀沈文曉如候瞻蓼文過臻百十八日到館同陸韜士觀
燈竟夜十九日跪瞻

天顏廿一日賀徐師移居候唐思誠母舅寓齋心傳來廿五日先大中丞
祠堂陪祭廿六日陪胡姑丈祭先祖考墓廿七日謝胡姑丈候仙人好樓
居留食蓴羹廿八日拜貞節公祠張次翰先生來廿九日陪王慶孫姑丈
復至硯山

繁林是處隱斜暉花信闌珊綠漸肥忽動清風送香氣祇緣一樹野薔
薇

四月二日立夏五日同念慈明諧陸揆若遊師子林六日張訥言來十一
日倉街馬氏送奠十二日候瞻蓼先生候次翰先生十三日臻百來枕流
書塾夜話十六日訥言來十九日申衙前吳氏慎德堂會課是日大雨廿
九日本生府君大祥

我生之初多艱苦病魔三載纏肝腑瀕死嗚呼誰育女親恩罔極奚勝
數救療辛勤不計年奄然一命絲絲縷一朝兒病得盡除心血消磨無
自補五歲稍幸疾病稀七歲康強侍庭幃剝心衣兒療兒饑寒二親
是瞻依母跬兒步不忍違父朝出行暮望歸莞幼穉親為命階除惟
願永春暉春暉怡真可愛人生樂事惟門內護我北室忘憂思喬植
南山欣仰戴每向庭前受詩禮為期式穀殷勤誨當于幼勞望元宗熊
丸燈火宵相對最傷失恃最初年一旦慈親長棄捐入室尚疑將阿母
九原無路覓黃泉此時穉齒纔十二此際柔腸斷萬千讀禮深悲梧
洋詠詩長恨夔我篇夔我篇什悲無已我艾親恩寧止此靡依當日豈
聊生痛煞嚴親怙兼恃先羽飄零已可憐苦遭風雨相殘待毀得兒身
漸成立回首星霜將一紀欲報涓埃說亦傷陡然冰炭置我腸生子古
云不得力兩年親病真悽惶盡日營緣底事膝前湯藥誰親嘗安危
利災日復日坐令二豎據膏肓膏肓一據醫莫救歷劫難逃寸心疚區
區敢望彼蒼知妄念空祈真宰佑倉卒還求續命湯誠難動物遭紕繆
無計重回一綫春痛心翻怨春歸驟忽終天恨已成枯魚索蠹為心
驚遭逢未副門閣望菽水猶虛烏鳥情孤負義方慚欲死追思併壘痛

難名庭幃苦況渾如昨十二年華一瞬更年華更改今猶昔欲觀親顏
世已隔閻二孤燈薄暝時遲二髮鬢來靈魄風雨空疑磬歎聲總幃何
處尋行迹一宵忽夢遠存時夢回悲慟銜肝膈肝膈銜悲重自審春露
秋霜忽二稔一杯土永訣承顏七尺軀還安榴錦衣錦食榴久相安背
親忘恩終所難向來瞻瞻此淚併入東絳慘切彈

五月二日候王姑丈三日龍墩課租四日候仙人好樓居候胡氏姑母過
臻百五日候受業沈氏從姑母同臻百過文星閣至青松寺乘涼六日元
邑納夏稅蕪蘭書屋會課復過臻百七日到館明諧心傳來十一日祥符
寺卷盛氏友恭堂會課十三日同心傳帛郁倫尊人之喪始浴十五日草
橋問安

每歲夏秋間二姑母迎養家祖母此雖姑母之孝思而余治生無術并
鮮救水之歡芒刺在背殊難恕釋聊題短句用誌愧感 昔聞仲夫子
負米為親勞又聞李令伯陳情用濡豪有無貴詭勉報劉分所叨嗟今
首宿遺憂思如煎熬翹首瞻慈烏反哺嗚嗷二同為人子孫抱愧空我
曹

十九日調豐卷顧氏嘉樹堂會課廿二日候瞻蒙先生過臻百過紹曾廿

八日過蔣文安

六月一日草橋問安候仙人好樓居五日校經州廬會課九日明諧心傳
研曉來十一日友恭堂會課十二日弔沈表文式增太孺人之喪十八日
草橋問安

過文丞相忠烈祠 信公忠烈普天知此地嘗聞駐義旗一旅勤王甘

端死幾番建國苦持危史書自載黃冠謗廟額長懸衣帶詞至竟乾坤

留正氣萬年祀典重網維景泰中追諡忠烈

十九日虹橋張氏春暉堂會課廿日明諧來廿四日謁良邑教諭黃四齋

先生

敢將詞賦擬凌雲短翼空嗟不及羣羸得當前一稱獎小齋盡日感斯

文

附記月課題 冠者五六人 二句 奇文共欣賞得奇字五言八韻

靈巖山賦以流出渠分徑轉溪合為韻

四齋先生名達廬江舉人來秉長鐸延接諸生口講手畫疊三不倦余
顛頓潦倒郡縣有司莫不以為不肖猥蒙先生獎拔期望莊生言逃空
谷者聞足音斐然而喜風雨斯文豈徒感哉

候曉齋先生廿五日祝徐師六十

七月一日艸橋問安心傳過舍五日石子街顧氏小桂林會課同念慈齋
士聲昭觀荷小飲七日草橋問安過臻百八日立秋十一日心傳來辭行
歷年八載數觀升沉潦倒窮年全消壯志然猶改二汲二若與人爭一
日之名何哉我家同甫有言要當博一第以塞謗然後歸隱讀書是吾
心也期以三年

十五日草橋問安候仙人好樓居過枕流書塾十六日友恭堂會課十七
日到館廿一日本生府君禫祭廿四日文犀來廿五日城東天宮寺會課
徐師枉臨小館不值廿七日郁倫來廿八日謝徐師於北街胡氏館齋

八月一日草橋問安同蒿士韜士遊虎邱四日友恭堂會課五日校經廬
會課十四日候仙人好樓居十五日草橋問安同韜士步月到館廿五日
先大中丞專祠陪祭謝四齋先生天宮寺會課廿六日草橋問安廿九日
候仙人好樓居

九月五日祝徐師母六十飲八日慎德堂會課十日大姚墓祭歸途順風
復至天宮寺會課

我無秋水長天句何事一帆風送來為報傍人莫相慢前身合是住蓮

萊此詩亦當刪去

十二日到館十四日心傳來郁倫來十五日草橋問安十九日賀馬廷表
二十日張氏春暉堂會課廿二日過枕流書塾不值

偶成一首柬臻百 飛黃終當騰踏去與君雲路驂飛馭不然不戾為
數奇與君偕隱亦有期丈夫久判如龍蛇鐘鼎泉石何足詩縱使出處
兩二殊要出性分莫損加却今窮途阮神駿二十四年忽一瞬瓦全玉
碎盡可傷臻百見贈有玉碎之語磊落昂藏總難信由來意氣不可憑
還將琢磨望良朋生時知稀吾不恨但恨沒世無名稱嗟乎所恨沒世
無名稱

廿四日友恭堂會課廿五日草橋問安候仙人好樓居過枕流書塾廿六
日過心傳三十日過臻百

十月一日草橋問安二日到館四日同念慈過心傳小飲七日候仙人好
樓居觀盡

不數關仝與董源揮毫長自繞雲煙等閒遊戲起三昧認取分明是謫
仙

聲昭兄馬氏館小飲宿十一日弔沈表文佑文之喪二十日隨松亭從父

至花山宿廿一日至硯山宿廿二日歸廿八日紹曾來廿九日柳星來來
哭黃四齋先生文 嗚呼一人知己可以千古一日之知可以終身思
古人之潦倒亦自歎其沉淪得語言之獎借孰感激而非真惟此情之
不忘於先生兮爰為文以自申惟先生以廬江之名宿司茂苑之陶甄
方下車之伊始亟考課於初旬曰余願結文字之知兮許雕蟲小技之
兼陳日省月試誘爾循導歎批卻誨爾諄伊官常之不曠寔教思
之無垠生不幸二十四年於茲而不能自拔起於編氓庸夫販豎憎其
賤簞食瓢飲增其貧竊徼幸於當世之科舉蓋屢斥于郡縣之選而遂
巡分此生終為人棄兮行自放於寬閑之野寂寞之濱忽得公一稱許
兮方出所藏以相証公又奄忽而弃紅塵思公而仍生於斯世兮生亦
未必相親迺公而不可復見兮轉不禁潛焉出涕之頻繫相如凌雲
之健筆兮歷千載而莫與倫公舉以相許兮余獨何人士所守蓋有常
兮不以譽喜不以毀憂而終不能無慨於泯如公之見許者鮮矣豈
不悲悼於中而姑為是不病之呻將公數之有定抑余命之常屯死者
不可復生益令余舉此前此之感慨悉萃於茲辰嗚呼哀哉

十一月一日候仙人好樓候二姑母三日蔣文安來枕十日枕流書塾夜

話十一日候王姑丈十四日瞻蓼先生來十九日耀寰兄來舍宿二十日
應元邑試 認保康侯先生

題 吾與回言終日 復其見天地之心乎 鶴鳴于九臯得聲字

廿二日郁倫來廿三日同念慈明諧心傳揆若觀劇廿六冬至候仙人好
樓居復同念慈心傳觀劇廿七日到館

十二月五日同明諧高士寓臬署前郁孝子祠六日府試八日弔王氏族
祖姑之喪十五日候仙人好樓居二十日解館廿一日宿王山喬先生宅
廿二日府覆試

題 黃衣旅裘 至 狐貉之厚以居 共登青雲梯得登字五言六韻

正考題 義之實 君子進德修業 雪不封條得條字六韻

除夕二首 高材定是爭先得大器安能待晚成如此年華真逝水森
茫何處着浮名 因思藏拙焚文稿欲學長生買葯爐猶有青山堪托
足不妨閱歷遍窮途

乾隆四十六年辛丑余年二十有五館杏花春雨樓
正月六日遲臻百不至

讀楊忠愍年譜 耿二丹心誓不回至今諫草激風雷感恩但說九遷

起廢
寵万里新從狄道來其二

經濟先規最小時凜然忠孝盡胚基泰山

絕頂雲飛處想見生平志所之其一

椒山有膽豈嘗寒視死如歸意

已安金甲神人多事否瀕危仍与一九丹其三

折檻空從龍比遊上

方請劍願難酬忠魂行補生前事旋見豺狼一旦休

過周忠介故居終古梓鄉仰大賢可知忠鯁是當年如何七載為天

子怡禁人行天啓錢

十日陳訥言來十七日天宮寺會課十八日到館小山書屋飲十九日心

傳宅飲二十日枕流書塾夜話廿一日候馨谷先生廿二日念慈揆若同

遊虎邱廿四日夜大雷電廿九日候仙人好樓居候瞻蓼先生三十日過

張訥言過心傳

二月三日霽

積陰經旬情頗悶損夢回清枕忽旭日臨窻喜躍而起坐杏花春雨樓

上前後戶牖洞開覺和霽之氣溢於几席間斯真不虛九十春光也

馨谷先生來明諧來郁倫來十一日曹胡徐卷盛氏送殯十二日候仙人

好樓居留竟日十五日同明諧至滄浪亭十六日竹邨從父貢耀聲三兄

同赴崑寓新邑前顧家十八日歲試蘇屬諸生二十日考古學默經

題 范大夫移家船賦 以題為韻 賦得春來遍是桃花水 七律三首
以桃源行為韻 擬廬陵春秋論下 默寫易經卦以下 是夜盡
卷始出幾四鼓矣鄰號二友各惠燭一枝後識其一人則同譜太倉王
君名宣譽也

是日瞻藝文來同寓廿三日同崑邑陳又濱遊花神廟廿四日院試余坐
西虞字八號

題 子謂公治良 君子以教思無窮 賦得侍投擁矢得壺字五言
六韻

廿五日耀聲二兄張德周同歸廿六日到館廿九日同長兄復至玉峯三
十日院覆試

題 辨有臣五人至 不其然乎 賢才輔則天下治 賦得幽處欲生
雲得益字五言六韻

三月一日明諸蔣受之長兄同遊半繭園小西門外觀射二日陳鴻暄來
曉如丈來四日院覆試

敬默

聖諭廣訓第四條